

Moshon

Parlamento di Kòrsou den reunion públiko di dia 10 desèmber 2018

KONSIDERANDO KU:

- Parlamento a tuma nota di un estudio di CBS ku ta indiká ku por lo ménos 25% di entrada di un famia ta bai na gastunan di bibienda.
- segun e último senso por lo ménos 30% di famianan na Kòrsou tin un entrada bou di 2 mil florin pa luna;
- e preshon di gastu di bibienda ta afektá e famia ku un núkleo di un mama òf un tata soltero desproporshonalmente, limitando su posibilidatnan pa kubrí gastunan nesenario pa bienestar di su famia ;
- segun CBS, den kasi 4 mil kas tin un òf mas mucha ta biba solamente ku su mama òf tata;
- nos muchanan ta masha balioso pa futuro di Kòrsou i ta meresé di biba den un situashon sosial akseptabel ku ta permití nan mayor(nan) kubrí gastu di un desaroyo amplio pa nan;
- segun estadistika tin hopi famia ku nan núkleo ta ser forma pa un mama soltera i ku generalmente netamente e hende muhé ta gana ménos ku e hende hòmber, i ku p'esei mester tin atenshon èkstra pe posishon dje mama soltera;
- e famia ku tin un kas di su propiedat, irespekto su komposishon òf entrada, ta haña un alivio finansiero pa ku su bibienda dor di dedukshon di e asina yama "hypotheekrente aftrek";
- mayoria di famia ku un núkleo di un mama òf tata soltero den e kategoria di entrada te ku 2 mil florin pa luna ku ta biba independiente den un kas di hùr ku no ta di FKP, i ku pa e motibu ei no ta bin na remarke pa un alivio di gastunan di bibienda. Tampoko nan no tin suficiente entrada pa kumpra òf traha un kas propio;
- ku riba paginá 27 dje akuerdo di Gobernashon 2017-2021 a kumbiní ku lo studia kon por implementá un supsidio di hùr pa famianan ku no ta den un kas di FKP;
- ku un sistema di supsidio di hùr pa kasnan ku no ta di FKP lo por yuda kubrí su mes komo kiera ku datonan di entrada for di plakanan di hùr lo bira konosí pa servisio di impuesto;
- ku un sistema di supsidio di hùr pa kasnan ku no ta di FKP lo por yuda krea seguridat den e merkado di kas di hùr, lokual lo stimulá e oferta di bibienda digno i pagabel, sin ku gobièrnu direktamente mester invertí en grande den infrastrukutura, konstrukshon i mantenshon;
- ku kontrali na oumento di suèldu mínimo, un sistema di supsidio di hùr pa kasnan ku no ta di FKP, lo fortifiká e forsa di kompra di un grupo di enfoke ku mester di e sosten signifkantemente, sin afektá nos ekonomia direktamente paso gastu di labor i 'cost of doing business' lo keda igual;

TA DISIDI:

1. pa urgi e minister di SOAW pa huntu ku otro ministerionan konserní, hasi un estudio riba kua ta e manera mas apropiá pa na yanüari 2020 implementá un sistema di supsidio di hùr pa kasnan ku no ta di FKP, na benefisio spesial dje famia di un mama of tata soltero ku un entrada mensual di 2.500 of menos;
2. pa urgi e minister di SOAW pa duna un reportahe preliminar riba e estudio aki na aprel 2019, sigul pa e rapòrt final pa mas tardá yùni 2019.

TA PASA PA ORDEN DI DIA

R. Calmes - PIN  
 Roubetta ana-Maria Roubetta (PAR)  
 W. Hilberson PAR  
 S. Walewood  
 (PAR)  
 (PAR)  
 yaer Plet (MAN)  
 Wimbert Ergilio Hato (MAN)  
 G. McWilliam



STATEN VAN CURAÇAO

STEMMINGSLIJST

AGENDAPUNT: 3

VERGADERING NO.: \_\_\_\_\_ D.D.: 10 december 2018

STEMMING: Motie nr. XVII.

	LEDEN	VOOR	TEGEN
2.	Pauletta sra	X	
3.	Walroud	X	
4.	Mr. William sra.		
5.	El Ayoubi	X	
6.	Cleopa	X	
7.	Plet	X	
8.	Obispo	X	
9.	Moses sra		
10.	Cooper	X	
11.	Hato		
12.	Pisas	X	
13.	Doran	X	
14.	Rozendal sra	X	
15.	Constancia sra	X	
16.	Calmes	X	
17.	Seferina sra.	X	
18.	Cordoba.		
19.	Rojer		X
20.			
21.			
1.	Millerson (voorzitter)	X	
	UITSLAG STEMMING	VOOR: 14	TEGEN: 1